



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Benedicti XIV. ab initio Pontificatus usque ad
Annum 1746

Luxemburgi, 1752

XXXVII. Præscribitur forma, solemnitas in Exequiis Sanctæ Romanæ
Ecclesiæ Cardinalium servanda. 23. Nov.

[urn:nbn:de:hbz:466:1-74696](https://nbn-resolving.org/urn:nbn:de:hbz:466:1-74696)

Beata Hiacyntia Mariscotta, & Servi Dei B. Joannis de Prado facta sit; nihilominus Beatificatio Servi Dei B. Fidelis à Sigmaringa, paulò post Canonizationem B. Johannis Nepomuceni, in Basilica Lateranensi celebrata fuit. Post hanc verò Beatificationem, in ejusdem Benedicti Pontificatu, in Basilica Vaticana solemnì ritu relati fuerunt in Beatorum numerum Servus Dei postea Beatus, & nunc Sanctus Vincentius de Paulis, & Servus Dei Beatus Petrus Forerius; in Pontificatu autem Clementis XII., paulò post supradictas Canonizationes in Basilica Lateranensi uno eodemque die unica solemnitate peractas, in eadem Basilica solemniter adscriptus est inter Beatos Servus Dei nunc Beatus Joseph à Leonissa: Cum autem à Nobis, ob ineffabilem Dei benignitatem Pontificatus honorem, ac onus gerentibus, decretum fuisset, ut inter Beatos Servus Dei Alexander de Saulis adscriberetur, solemnìs ejusdem Beatificationis functio in Basilica Vaticana celebrata est.

Non tamen sub Pontificatu SS. D. N.

Qui veterem consuetudinem Decreto suo firmat.

§. 4. Matura igitur consideratione perpendentes, quod à Romanis Pontificibus Prædecessoribus nostris omnes Venerabilium Servorum, & Ancillarum Dei Sanctificationes in Urbe nostra solemniter peragenda, laudabili instituto, optimisque ex causis ab antiquissimo tempore in Vaticana Basilica, & quod ab Alexandri Papæ VII. Prædecessoris nostri, & successivis deinde temporibus, Beatificationes quoque in eadem Vaticana Basilica, exceptis nonnullis supramemoratis Canonizationibus, & Beatificationibus ab iisdem Prædecessoribus nostris Benedicto, & Clemente in Basilica Lateranensi peractis, semper celebrata fuerunt: Ne igitur commendabili, & antiquæ consuetudini, prædictæ Vaticana Basilicæ prærogativæ hujusmodi, ex B. Johannis Nepomuceni Canonizatione, ac Venerabilis Servi Dei Fidelis à Sigmaringa Beatificatione à Benedicto, necnon ex Beatorum Vincentii de Paulis, & Johannis Francisci Regis, ac Beatarum Catharinæ Fieschi Adorni, & Julianæ Falconeræ, respectivè Canonizatione, & Venerabilis Servi Dei Josephi à Leonissa Beatificatione, à Clemente, Prædecessoribus prædictis, in Ecclesia Lateranensi celebratis, præjudicium aliquod afferatur; hac nostra perpetuò valitura constitutione veterem consuetudinem, ac venerandum Prædecessorum nostrorum institutum, decretumque Alexandri Prædecessoris prædicti, ac integrum ejus tenorem Apostolica auctoritate approbantes, confirmantes, & innovantes, ac illis quodcumque Apostolica firmitatis robur adjicientes, motu proprio, ex certa scientia, ac Apostolica potestatis plenitudine, decernimus, præcipimus, & constituimus, ut in posterum, & perpetuis inde futuris temporibus, omnes, & singulæ Venerabilium Servorum, & Ancillarum Dei Beatificationes, ac BB. Canonizationes in Urbe nostra prædicta pro tempore celebrandæ, non in aliis, quàm in Basilica Principis Apostolorum de Urbe prædicta, privativè quoad reliquas Basilicas, Ecclesiasque ejusdem Urbis, celebrari omninò debeant; utque Canonizationes, & Beatificationes in eadem Ecclesia Lateranensi à Benedicto, & Clemente Prædecessoribus prædictis, ut præfertur, peractæ, nullo unquam tempore, perinde ac si in ea celebrata non fuissent, præjudicium aliquod antiquo instituto, & Vaticanæ Basilicæ prærogativæ afferre valeant.

Et prædictas Functiones deinceps in Basilica Sancti Petri fieri mandat, non obstantibus &c.

Confirmat Decretum Alex. VII. circa præstationes ejusdem Basilicæ Sacratio debitas.

§. 5. Insuper quoniam ab eodem Alexandro Prædecessore nostro, usque ab anno 1659. alterum emanavit decretum super contributione, tam in Beatificationibus, quàm in Canonizationibus, favore Sacratio ejusdem Basilicæ faciendæ, quod à Nobis in prædicto Tomo primo Operis Nostri de Beatorum Canonizatione re-

latum est, motu, scientia, & potestate simili illud approbamus, & confirmamus, & quatenus opus sit, quæ ab ipso Alexandro Prædecessore decreta sunt, rursus decernimus, & constituimus, & in futurum ab omnibus inviolabiliter observari volumus, & mandamus.

§. 6. Præsentes quoque, ex eo quod interesse ad præmissa habentes ad hoc vocati, & auditi non fuerint, aut ex alia quavis juridica, & legitima, etiam necessariò exprimendæ causâ, vel quocumque prætextu, de intentionis nostræ, aut alio quovis defectu notari, vel impugnari nullo unquam tempore posse, sed semper firmas, validas, & efficaces fore, & esse: Sicque, & non alias, per quoscumque Judices, etiam Causarum Palatii Apostolici Auditores, ac S. R. E. Cardinales, ac quoscumque alios Judices quacumque judicandi facultate fuffultos, judicari, & definiri debere, sublata eis, & eorum cuilibet quavis aliter judicandi, & interpretandi facultate, & auctoritate: irritum quoque, & inane, quidquid fecus super his à quocumque quavis auctoritate scienter, vel ignoranter contigerit attentari.

Clausula salutare.

Decretum irritans.

Derogationes.

§. 7. Non obstantibus Canonizationibus, & Beatificationibus in prædicta Ecclesia Lateranensi, ut præfertur, celebratis, ac nostræ, & Cancellariæ Apostolicæ regula, de jure quæsito non tollendo; necnon Constitutionibus, & ordinationibus Apostolicis, siquæ contra literarum nostrarum hujusmodi tenorem editæ existant, statuti, consuetudinibus, privilegiis quoque, & indultis, quibus, illis aliis in suo robore permanentibus, hac vice dumtaxat specialiter, & expressè derogamus, ac derogatum esse volumus caterisque contrariis quicquidcumque.

Sanctio.

§. 8. Nulli ergo omninò hominum liceat hanc paginam nostri decreti, statuti, constitutionis, confirmationis, derogationis, & voluntatis infringere, vel ei ausu temerario contraire; Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus, se noverit incursum.

Dat. die 23. Nov. 1741.

Datum Romæ apud Sanctam Mariam Majorem, nono Kal. Decembris Anno Incarnationis Dominicæ millesimo septingentesimo quadragesimo primo, Pontificatus Nostri Anno Secundo.

D. Card. Passioneus.

X. Sub-Datarius.

VISA DE CURIA.

N. Antonellus.

I. B. Eugenius.

Loco ✕ Plumbi.

Registrata in Secretaria Brevium.

Publicat. die 13. Decembr. ejusdem anni.

Præscribitur Forma, & solemnitas in Exequiis Sanctæ Romanæ Ecclesiæ Cardinalium servanda.

XXXVII.

BENEDICTUS EPISCOPUS,

Servus Servorum Dei. Ad perpetuam rei memoriam.

PRÆCIPUUM intimi amoris nostri, & sinceræ in Christo caritatis erga Venerabiles Fratres Nostros Sanctæ Romanæ Ecclesiæ Cardinales, quos in Apostolica nostræ sollicitudinis partem superna cœlestis Patrisfamilias evocat dispositio, à Nobis exigit studium, ut quemadmodum omnia & singula, eis viventibus, eorumque sublimi dignitati debita privilegia, quantum in Domino possumus, firmo constantique

Pontificis Audium erga S. R. E. Cardinales, viventes atque defunctos.

animo tuemur, ita & eorundem ex hac mortali vita decedentium curam geramus; ut & ipsorum funera à Nobis, Romanisque Pontificibus Successoribus nostris, & ipsorum Cardinalium superstitium cœtu, stabili, ac solemniter, etsi lugubri, decorentur honore; & ipsorum animæ incruento Altaris Sacrificio, Ecclesiasticis precibus, ac supplicationibus juventur; quibus adjuncta, omni macula diluta, quam in tereno hujus sæculi pulvere contraxerunt, per merita Salvatoris nostri Christi Domini, cœlestem patriam ingrediantur; ibique apud Patrem misericordiarum pro Nobis intercedant, Divinamque opem Nobis implorent in gravissimo Apostolici hujus ministerii onere ferendo; ut in fine diei repositissimam laborantibus in Vineam suam æternæ beatitudinis denarium à Domino recipere mereamur.

§. 1. Cum itaque, sicut accepimus, postquam pia memoria Benedictus Papa XIII. Prædecessor noster, piè provideque attendens, quod ab aliquo tempore, & ante ejus Pontificatum, Sanctæ Romanæ Ecclesiæ Cardinalium pro tempore in Romana Curia decedentium exequiæ, quæ olim, & veteribus temporibus multifariè, sed augusta semper, & decenti pompa celebratæ fuerunt, tunc verò cum assistentiâ Sanctæ Romanæ Ecclesiæ Cardinalium superstitium cœtus, decantatis in eisdem exequiis à Regularibus ex Ordinibus Mendicantium, tribus nocturnis Defunctorum Officii, ut plurimum de Vespere, & si aliquando de mane, aliqua sic fuadente causa, habitæ fuerant, nunquam cum solemnibus Defunctorum Missæ celebratione, præsentem Defuncti Cardinalis corpore, peragebantur; propterea, ut in exequiis celebrandis hujusmodi, solemnibus Missæ prædictæ semper, prout exigit pia Ecclesiæ consuetudo, præsentem Defuncti Cardinalis Cadavere, celebraretur, Cardinalibus ab onere interveniendi de vespere recitationi Officii Defunctorum, non autem Fratribus ex Ordinibus Mendicantium à decantandis Nocturnis Officii prædicti obligatione exemptis, laudabilem personaliter, una cum omnibus, & singulis Ordinibus Capellas Pontificias constituantibus, ad exequias prædictas de mane celebrandas, in quibus præfata Missa solemniter à Cardinale reliquorum Cardinalium cœtus Camerario pro tempore existente solemniter celebrabatur, conferendi se ipsum, & in exequiarum hujusmodi sine, supra Defuncti Cardinalis corpus per se absolutionem impertiendi, introduxerat morem; quem, usquequò in hac terrena peregrinatione permansit, religiosè servavit; felicis recordationis Clemens Papa XII. similiter Prædecessor noster, provida animi consideratione secum perpensens, quod ad peragendas de mane, & vespere exequias prædictas, pro duplici videlicet uno, & altero lugubribus apparatibus, celebratio hujusmodi majores exigebat sumptus, gravioribus dispendiis parcere cupiens, exequias ipsas ad primam statum redegerit.

§. 2. Nos igitur animo nostro attentè, ac diligenter considerantes, quod antiquitus, sicut ex veteribus sacrarum Cæremoniarum libris compertum est, in more Romanæ Ecclesiæ fuit, ut, assistente Sanctæ Romanæ Ecclesiæ Cardinalium Collegio, Missa, præsentem Cardinalis Defuncti cadavere, celebraretur, & pro ejus anima offerretur Deo salutare immaculatæ Hostiæ Sacrificium, quemadmodum nunc in omnibus, etiam infimi Ordinis personarum, exequiis piè, sancteque servari solet; cupientesque antiquam, & laudabilem consuetudinem in usum revocare; & insuper rationi congruum, maximeque conveniens existimantes, ut Romanus Pontifex pro tempore existens eis, qui sibi in oneroso Pontificii regimini adjuutores extiterunt, ultimum debitumque sui amoris, suæ

que pietatis persolvat officium, absque eo tamen, quod eorum patrimonia majori expensarum onere graventur; præsentem hac nostram perpetuò valitura Constitutione, motu proprio, ex certa scientia, Apostolica Auctoritate, de consensu etiam Venerabilium Fratrum nostrorum Sanctæ Romanæ Ecclesiæ Cardinalium, quibuscunque deliberationem nostram in Consistorio nostro secreto communicavimus; decernimus, & statuimus, quod in posterum Cardinalium in Romana Curia decedentium exequiæ semper de mane, nunquam verò de vespere, celebrentur, & celebrari debeant, infra scripta forma servata, videlicet, quod Fratres ex Ordinibus Mendicantium de mane diluculo, ad Ecclesiam, in qua Defuncti Cardinalis corpus expositum reperitur, pro inibi prædictis tribus Officii Defunctorum Nocturnis de more decantandis, sollicitè accedant; quibus quidem Nocturnis decantatis, eodem mane, absque ulla lugubris apparatus mutatione, vel aliarum expensarum augmento, Capella Pontificia, intervenientibus Romano Pontifice, ac Sacro Cardinalium Cœtu, necnon omnibus, & singulis Capellam Pontificiam constituantibus, habeatur, & in ea Sacrum Missæ Defunctorum Sacrificium à prædicto Cardinale Cardinalium Cœtus pro tempore Camerario existente, eoque impedito, ab altero Cardinale ab eodem Cardinale Camerario delegato, solemniter celebretur, quodque supra Defuncti Cardinalis corpus absolutio ab eodem Pontifice præsentem, eoque absente, à dicto Cardinale Camerario, seu eo pariter absente, à Cardinale, ut præfertur, delegato impertiatur.

§. 3. Quocirca Romanum Pontificem pro tempore existentem, Sacrumque nunc & pro tempore etiam existentem prædictæ Romanæ Ecclesiæ Cardinalium Cœtus enixè obsecramus, ut in celebratione exequiarum Cardinalium in Curia decedentium, omnia & singula à Nobis per præsentem perpetuò statuta & decreta debita executioni demandari, eaque semper, & inviolabiliter servari studeant; qua de re minime dubitamus, sed certa spe in Domino confidimus, quod quisque Romanorum Pontificum Successorum nostrorum memor erit, se vicem gerere in terris Cœlestis æternique Pontificis, qui in morte Lazari amici sui lacrymatus est adeò, ut mirarentur Judæi, & dicerent: *Ecce quomodo amabas eum*; ita & ipse, exemplo Christi Domini, eosdem Cardinales, sibi Coadjuutores à Domino datos, in visceribus caritatis complectens, in eorum ab hac luce discessu, supremis paterni amoris officiis, & solemnibus Pontificalium exequiarum, ac propitiatorii Missæ Sacrificii celebratione, aliisque piarum orationum subsidiis prosequi libenter curabit, ut & Defunctorum animæ, ob eorum Apostolatus munus laudabiliter expletum, una cum Beatis Apostolis manere mereantur in Cœlis, & erga sublimem Cardinalatus dignitatem, ex solemnibus celebratione hujusmodi, popularum obsequium, & veneratio in terris augeatur.

§. 4. Nulli ergo omnino hominum liceat, hanc paginam Nostri decreti, constitutionis, declarationis, exhortationis, & voluntatis infringere, vel ei ausu temerario contraire; si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romæ apud Sanctam Mariam Majorè, nono Kal. Decembris, Anno Incarnationis Dominicæ millesimo septingentesimo quadragésimo primo, Pontificatus Nostri Anno II.

✠ Ego Benedictus Catholica Ecclesiæ Episcopus.

✠ Ego T. Episcopus Ostien., & Velitern. Card. Rufus Decanus, & S. R. E. Vice-Cancellarius.

Ac de consensu Collegii S. R. E. Cardd.

Præscribit hujusmodi exequias de mane tantum celebrari.

Et Capellam Pontificiam haberi ad Missam.

Successoribus commendat præsentium executionem.

Sanctio Constitutionis.

Dat. die 23. Nov. 1741.

Subscriptiones S. R. E. Cardinalium.

✠ Ego

Cardinalium exequiæ vario ritu celebratæ.

IIII VXX

Duplices sub Bened. XIII. qui ipsis de mane interesse solebat.

Clem. XII. eas ad primam statum redegit.

Pontifex, inherendo veteri consuetudini;

† Ego A. Episcopus Sabinensis Card. S. Clementis S. R. E. Camerarius.
 † Ego L. Episcopus Portuensis Card. Picus.
 † Ego Petrus Episcopus Tusculanus Card. Corradinus.
 † Ego V. Episcopus Prænestinus Card. Petra Major Penitentiarius.
 † Ego P. A. Episcopus Albanen. Card. Carafa.
 †
 †
 †
 †
 †
 † Ego Ludovicus Tit. S. Praxedis Presbyter Card. Belluga.
 †
 † Ego A. M. Tit. S. Marci Presbyter Card. Quirinus S. R. E. Bibliothecarius.
 † Ego Nicolaus Maria Tit. SS. Joannis, & Pauli Presbyter Card. Lercari.
 †
 †
 †
 † Ego Fr. Vincentius Ludovicus Tit. S. Sixti Presbyter Card. Gotti Ordinis Prædicatorum.
 † Ego Joseph Tit. S. Mariae Transyberim Presbyter Card. Accorambonus.
 † Ego Camillus Tit. S. Mariae Angelorum Presbyter Card. Cybo.
 † Ego F. Tit. S. Silvestri in Capite Presbyter Card. Burgbesius.
 †
 † Ego V. Tit. S. Mathei in Merulana Presbyter Card. Bichius.
 † Ego J. Tit. S. Crucis in Hierusalem Presbyter Card. Firrao.
 † Ego A. Tit. S. Stephani in Monte Cælio Presbyter Card. Gentili.
 † Ego Fr. J. A. Tit. SS. Silvestri, & Martini Presbyter Card. Guadagni.
 † Ego T. Tit. S. Ceciliae Presbyter Card. de Aquaviva.
 † Ego D. Tit. Basilicæ Sanctorum Duodecim Apostolorum Presbyter Card. Rivera.
 † Ego P. Tit. S. Eusebii Presbyter Card. Aldrovandus.
 †
 †
 †
 †
 †
 † Ego D. Tit. S. Bernardi ad Thermas Presbyter Card. Passioneus.
 † Ego S. Tit. S. Priscæ Presbyter Card. Valenti.
 †
 † Ego P. Tit. SS. Nerei, & Achillei Presbyter Card. de Tencin.
 †
 † Ego Alexander S. Agatae Diaconus Card. Albanus.
 † Ego N. S. Mariae ad Martyres Diaconus Card. Judice.
 † Ego Nerius S. Eustachii Diaconus Card. Corsinus.
 † Ego A. S. Georgii in Velabro Diaconus Card. Mosca.
 † Ego J. B. S. Casarei Diaconus Card. Spinula.
 † Ego C. S. Nicolai in Carcere Tulliano Diaconus Card. Rezzonicus.
 † Ego M. S. Adriani Diaconus Card. Corius.
 † Ego P. S. Angeli in Foro Piscium Diaconus Card. Columna.

† Ego G. S. Mariae in Porticu Diaconus Card. Scripantes.

P. Card. Pro-Datarius.
D. Card. Passioneus.

VISA DE CURIA.

N. Antonellus.

Loco ✕ Plumbi.

J. B. Eugenius.

Registrata in Secretaria Brevium.

Publicat. die 10. Januarii 1742.

Indorum in Provinciis Paraquariæ, Brasiliæ, & ad Flumen de la Plata existentium, libertati, & indemnitati consulitur.

Venerabilibus Fratribus, Antistibus Brasiliæ, aliarumque Ditionum Carissimo in Christo Filio Nostro Johanni Portugallie, & Algarbiorum Regi, in Indiis Occidentalibus, & America subiectarum.

BENEDICTUS PAPA XIV.

Venerabiles Fratres, salutem, & Apostolicam Benedictionem.

IMMENSÆ Pastorum Principis Jesu Christi, qui, ut homines vitam abundantius haberent, venit, & se ipsum tradidit redemptionem pro multis, caritas urget Nos, ut, quemadmodum ipsius vices plane immerentes gerimus in terris, in Indiis majorem caritatem non habeamus, quam ut animam nostram non solum pro Christianis, sed pro omnibus etiam omnino hominibus ponere satagemus. Etsi autem, pro suprema Catholica Ecclesiæ procuratore infirmitati nostræ injuncta, Apostolicam hanc Sanctam Sedem; ad quam undique gentium in dies concurritur, ut opportunum, ac salutare emergentibus in Christiana Republica, sive negotiis, sive detrimentis remedium afferatur, hic Romæ, more institutoque Majorum, tenere, ac regere cogimur; nec longinquas distitasque regiones, ut qualemcumque inibi Apostolici ministerii nostri pro lucrando animabus pretioso Jesu Christi sanguine redemptis operam impendamus, ac vitam ipsam, quemadmodum cupimus, profundamus, adire non possumus: tamen sicut volumus omnes Apostolica providentiæ, auctoritatis, benignitatisque partes ab omni natione, quæ sub Cælo est, desiderari; ita Vos, Venerabiles Fratres, quos ad excolendam Vineam Dei Sabbatho Cooperatores eadem Apostolica Sedes sibi adscivit, in Pontificiæ sollicitudinis vigilantiaque nostræ partem libenter advocamus; ut & imposto Vobis muneri magis magisque satisfacere, & coronam legitime certantibus in Cælo repositam facilius consequi valeatis.

§. I. Porro Fraternalibus Vestris comperitur est, quæ & quanta Romani Pontifices Prædecessores nostri, & Catholici Principes de

XXXVIII.

Pontificia caritas omnes homines ubique Terrarum degetes amplectitur.

Episcoporum operam in subsidium advocat.

Apostolicæ Sedis studium pro infidelium conversione.

Christiana